



ხელშეკრულება # 1118  
(სამართლებრივი დახმარების თაობაზე)

ასპინძა

1 თებერვალი 2013 წ.

საჯარო სამართლის იურიდიული პირი - ასპინძის მუნიციპალიტეტის საჯარო სკოლა (შემდგომში „შემსყიდველი“), წარმოდგენილი მისი დირექტორის ლ. მჭახალი სახით ერთის მხრივ და შპს - „განათლების ექსპერტი“ (შემდგომში „მიმწოდებელი“), წარმოდგენილი მისი დირექტორის გიორგი გაბელიას სახით მეორეს მხრივ „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე გამარტივებული შესყიდვის გზით, ვდებთ წინამდებარე ხელშეკრულებას შემდეგზე:

**მუხლი 1. ხელშეკრულების საგანი**

ხელშეკრულების საგანია წინამდებარე ხელშეკრულებისა და მოქმედი კანონმდებლობის საფუძველზე სამართლებრივი დახმარების გაწევა (CPV: 79100000) და გაწეული მომსახურების ღირებულების ანაზღაურება.

**მუხლი 2. ხელშეკრულების ფასი და ანგარიშსწორების წესი**

1. ხელშეკრულების საერთო წლიური ღირებულება შეადგენს 100 (რეკ. მთ.) ლარს.
2. ხელშეკრულებით განსაზღვრული სამართლებრივი დახმარების ღირებულება თვეში შეადგენს 100 (მთ.) ლარს.
3. მომსახურების გაწევა დასტურდება მიმწოდებლის მიერ შემსყიდველისთვის წარდგენილი მიღება-ჩაბარების აქტის შესაბამისად.
4. დამკვეთი შემსრულებელს ამ მუხლის მე-2 პუნქტით გათვალისწინებულ ღირებულებას გადაუხდის უნაღდო ანგარიშსწორების ფორმით ყოველი საანგარიშო თვის 28 რიცხვამდე, მიმწოდებლის მიერ ხელშეკრულებაში მითითებულ საბანკო ანგარიშზე.

**მუხლი 3. ხელშეკრულების მოქმედება**

წინამდებარე ხელშეკრულება ძალაში შედის 2013 წლის 1 თებერვლიდან და მოქმედებს 2013 წლის 31 დეკემბრის ჩათვლით.

**მუხლი 4. მხარეთა უფლება-მოვალეობები**

**1. შემსყიდველი ვალდებულია:**

- 1.1. შეუქმნას სამუშაო პირობები მიმწოდებელს და მისი მოთხოვნის საფუძველზე მიაწოდოს ყველა საჭირო დოკუმენტაცია და ინფორმაცია;
  - 1.2. წინამდებარე ხელშეკრულების პირობების დაცვით აანაზღაუროს გაწეული მომსახურების ღირებულება;
- 2. მიმწოდებელი ვალდებულია:**
- 2.1. უზრუნველყოს შემსყიდველისათვის განათლების სფეროში მოქმედი ნორმატიული აქტების და ნოვაციების გაცნობა;
  - 2.2. უზრუნველყოს შემსყიდველისათვის სტრუქტურული ერთეულების საქმიანობის სამართლებრივი ხელშეწყობა;
  - 2.3. უზრუნველყოს შემსყიდველის მიერ მომზადებული დოკუმენტების სამართლებრივი ექსპერტიზა;
  - 2.4. უზრუნველყოს შემსყიდველისათვის ინდივიდუალური ადმინისტრაციულ-სამართლებრივი აქტისა და ხელშეკრულების პროექტის მომზადებაში სამართლებრივი დახმარების აღმოჩენა.
  - 2.5. განახორციელოს შემსყიდველთან სამართლებრივი მომსახურების გაწევის მიზნით, კვირაში არანაკლებ ერთი ვიზიტი.
  - 2.6. სატენდერო განცხადებისა და სატენდერო დოკუმენტაციის პროექტების, მათ შორის სატენდერო კომისიის ოქმების პროექტების მომზადებასა და შესყიდვების ერთიან ელექტრონულ სისტემაში ოპერირებას;
  - 2.7. პრეტენდენტთა მიერ წარმოდგენილი ტექნიკური და საკვალიფიკაციო მონაცემების განხილვისას კონსულტაციის გაწევას;
  - 2.8. გამარჯვებულ პრეტენდენტთან დასადები ხელშეკრულების პროექტის შემუშავებას;

**3. შემსყიდველი უფლებამოსილია:**



3.1. მოითხოვოს მიმწოდებლისაგან ხელშეკრულებით ნაკისრი ვალდებულებების დროული შესრულება;

3.2. მოითხოვოს მიმწოდებლისაგან სასამართლოში წარმომადგენლობა კანონმდებლობით დადგენილი წესით.

4. **შეუსრულებელი უფლებამოსილია:**  
მოითხოვოს დამკვეთისაგან ხელშეკრულებით ნაკისრი ვალდებულებების დროული შესრულება.

**მუხლი 5. მხარეთა პასუხისმგებლობა**  
მხარეები პასუხს აგებენ მათ მიერ ხელშეკრულებით ნაკისრი ვალდებულებების შეუსრულებლობის, ან არაჯეროვანი შესრულებისათვის კანონმდებლობით დადგენილი წესით.

**მუხლი 6. ხელშეკრულების შეწყვეტა**  
1. ხელშეკრულება ავტომატურად წყდება:  
1.1. ხელშეკრულების ვადის გასვლის გამო.  
1.2. მხარეების ლიკვიდაციის ან რეორგანიზაციის შემთხვევაში, თუ მას არ ჰყავს სამართალმემკვიდრე ან უფლებამონაცვლე.  
2. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

**მუხლი 7. ხელშეკრულებაში ცვლილებების შეტანა**  
1. ხელშეკრულებაში ყოველი ცვლილების შეტანა წარმოადგენს შეთანხმებას და საჭიროებს წერილობით ფორმას, რომელსაც ხელს აწერენ მხარეები.  
2. ხელშეკრულებაში შეტანილი ცვლილება წარმოადგენს ხელშეკრულების განუყოფელ ნაწილს.

**მუხლი 8. დავის გადაწყვეტა**  
მხარეები ხელშეკრულებიდან გამომდინარე წარმოშობილ დავებს წყვეტენ ურთიერთშეთანხმებით, ხოლო შეუთანხმებლობის შემთხვევაში დავების გადასაწყვეტად მიმართავენ სასამართლოს საქართველოს სამოქალაქო საპროცესო კოდექსით დადგენილი წესით.

**მუხლი 9. ფორს მაჟორი**  
მხარეები თავისუფლდებიან ხელშეკრულებით ნაკისრი ვალდებულებების შეუსრულებლობით მეორე მხარისათვის მიყენებული ყოველგვარი ზიანის ანაზღაურებისაგან, თუ ეს გამოწვეულია ფორს-მაჟორული სიტუაციით.

**მუხლი 10. სხვა პირობები**  
ხელშეკრულება შედგენილია თანაბარი ძალის მქონე ორ ეგზემპლარად და თითოეული ინახება მხარეებთან.

**მხარეთა რეკვიზიტები:**

შემსყიდველი:  
ასპინძის მუნიციპალიტეტის სს. მშპ "სა.ს."

მიწოდებელი:  
შპს - „განათლების ექსპერტი“

მის.ასპინძა სს. მშპ  
ტელ. 595587842  
ს/კ 223104281

საბანკო რეკვიზიტები:  
„თიბისი ბანკი“ მთაწმინდის ფ-ლი  
№ 400071596  
ბანკის კოდი TBCBGE22  
GE49TB7232536080100003  
დირექტორი  
გიორგი გაბელაია

საბანკო რეკვიზიტები:  
ს/ს "ლიბერთი ბანკი"  
ბანკის კოდი LBRTGE22  
ა/ნ GE3013012119404878000  
დირექტორი ქ. კობახიძე  
(ხელმოწერა)

(ხელმოწერა)

